

de Boonte Störren

ZJUBILEI EDITIE



• nuitsbreef vaan zaate hermenie Blamaasj opgeriech 1900 + 8x11 •

GANS GRATIS EN VEUR NIKS
oetgaaf: aprèl • jaorgaank: twiedoezend plus twee kier èlf min ein

Zaoleg paose

Zoe mèt Paose veur de deur is 't tied veur 'ne nuie nuitsbreef, dit kier in 't teike vaan eus aonstaond zjubilei. Nui produkte, aw produkte, vraoge en nog mier.

Es apaarte bijlage bij dizze nuitsbreef tref geer euveriges de aongepasde statute en de notule aon n.a.v. de ALV vaan 20 fibberwarie 2021.

Veer winse eederein e zaoleg paose touw en miech res nog te zègke:
Bedaank veur de blòmme die ouch dit jaor weer eus woenkamer in Wolder opfleure!

de Kretser

VACATURE MEZIEKKEMISSIE

Op de ALV vaan 20 fibberware jl. heet Bea aongegeve häör positie es lid vaan de Meziekkemissie ope te stèlle veur aander leie.

Wès diech touwtreie tot 't muzikale en creatieve gezelsjap vaan eus Meziekkemissie daan kinste diech opgegeve door e mailke te sjikke aon **blamaasj@hotmail.com** veer zalle dien kandidatuur daan doorgeve aon de Meziekkemissie

BLAMAASJ SJABBELEER MÈT KÈTTELKE OF TUIKE

Mèt tuike of kèttelke? Dat maak hielemaol niks oet es 't mer sjiek en sjoen weurt en herkinbaar dat veer lid zien vaan Zaate Hermenie Blamaasj en gruuts d'rop zien! Biste creatief? Hòbste ideeje? Wie moot dee Blamaasj sjabbeleer volges diech oet koume te zien? Pak eur wasco's, kleurpotloejer, stifte, pepier, computer en knip, plak, kleur, collage, teike of wie daan ouch of wat geer ouch deenk nuudeg te hóbbe um te laote zien wie geer deenk dat dee Blamaasj Sjabbeleer moot koume oet te zien.

'T projek heet eve stèlgelege mer d'r zien al get inzendinge binne, euze dank daorveur. Veur wee nog wèl en deenk 'in mien paosvekansie vèlt dat kwartsje wel'...laot gaon, laot gaon en sjik dien ideeje in! Niks is fout en alles maag, mer dit is eur lèste kans um bij eederein um de nek te haange...

Eur ideeje en creaties kint geer insjikke naor **blamaasj@hotmail.com**
Es geer get geknutseld hób maak geer hei 'ne foto vaan en sjik geer dee op

Veer begriep ouch dat neet eederein kunsacademie heet gedoon of 'n grafische opleiding heet gevolg, maak uuch daor neet drök um; vaan eur idee weurt e productietechnisch bestand gemaak.

MEZIEKKEMISSIE

BESTUUR

ALGEMEIN

de Boonte Störren

ZJUBILEI EDITIE



• nuitsbrief vaan zaate hermenie Blamaasj opgeriech 1900 + 8x11 •

GANS GRATIS EN VEUR NIKS
oetgaaf: aprèl • jaorgaank: twiedoezend plus twie kier èlf min ein



BATCH 5! KOUPEUR PÖTSJE VEURTOT 'T TE LAAT IS!

Jehzeker! Triple 11 is weer verkriegbaar: Batch No. 5!!!

Geer kint eur bestèlling plaotse via blamaasj3x11@gmail.com en gans gratis en veur niks weurt uuch eur bestèlling toesgebracht. Veur bestèllinge wiet boete de stadsgrenze vaan Groet-Mestreech weurt eve kontak mèt uuch opgenome.

Say yes to the fles! want wee wèt is Batch No. 5 mesjiens wèl de lèste kans op dit euverheerlek pötsje beer...

Oetlievering zal gebäore vaanaof haaf Aprèl aonstaonde.

BESTÈLLE KINT GEER OETSLETEND BIJ DE ZJUBILEIKEMISSIE!

ZJUBILEIKEMISSIE

PRE-ORDER

KLINKER
MET PASSIE GEBROUWEN IN MAASTRICHT

de Boonte Störren

ZJUBILEI EDITIE



• nuitsbreef vaan zaate hermenie Blamaasj opgeriech 1900 + 8x11 •

GANS GRATIS EN VEUR NIKS
oetgaaf: aprèl • jaorgaank: twiedoëzend plus twee kier èlf min ein

HERINNERINGSBOOK: OPROOP

Langzaam kroepe veer noar us 33-joareg bestoon. Lock-down of neet, de Zjubileikemissie geit gewoen door met de veurbereidinge.

Noe leek 't us leuk um e herinneringsbook oet te geve met 'nne trökblik op 33 jaor hoegte (en deeptepunte). Höb geer nog leuke foto's oet lang en minder lang vervloge tije? Zien die foto's ouch te bekieke veur alle leeftije? Num daan kontak met us op!

De Zjubileikemissie is ouch nog op zeuk naor inkele kreatieve redaksie-lede um met te hellepe.

Redaksie herinneringsbook Blamaasj

blamaasj3x11@gmail.com

Jasper: 06-81299058

VRIJWILLIGE BIJDRAGE ZJUBILEIKEMISSIE

Veur de ALV hadde veer ingezonde pòs (per mail) oontvaange vaan Harie en Yolán mèt daorin 'n idee. Zie koum mèt 't veurstèl umtot veer dit jaor, jaomergenog, geine vastelaovend höbbe gevierd en dus "duite höbbe euvergehawwe" 't mesjiens e leuk initiatief is um es lid gehiel vrijblijvend en vrijwilleg e door diechzelf te bepaole bedraag euver te make aon de zjubileikemissie.

Veur de leie die gehiel vrijblijvend, 'n door ziechzelf te bepaole bedraag, vrijwilleg wèlle euvermake kin dat hei:

Baankrekeningnòmmer Blamaasj ZjubileiKemissie

NL63 SNSB 0956 9495 17

ZJUBILEIKEMISSIE

ZJUBILEIKEMISSIE

ALV

NAO BEER KUMP DE KOFFIE? LEES D'R ALLES EUVER OP PAASJ 4...

de Boonte Störren

ZJUBILEI EDITIE



• nuitsbreef vaan zaate hermenie Blamaasj opgeriech 1900 + 8x11 •

GANS GRATIS EN VEUR NIKS
oetgaaf: aprèl • jaogaank: twiedoezend plus twie kier èlf min ein

BLAMAASJ KOFFIE

De ZjubileiKemissie heet weer e nui idee en samewèrking oet de hoege zije getouverd: *Blamaasj X Charlie's Coffee Maastricht*

D'r geit 'n heuze koffiesmaak koume veur 't zjubilei vaan Blamaasj... mer wie moot dee koffie daan gaon heite? Höbs diech 'n idee? Höbs diech de perfekte naam? Sjik dee daan in!

Wee wèt zit de door diech verzonne produknaom daan astrein bei hiel get lui in de tas!

Sjik dien idee in naor blamaasj3x11@gmail.com

ZJUBILEIKEMISSIE

NUI PRODUK



*Daor kin diene
produknaom
koume te staon*

